

XAVIER SEOANE:

## O CANTO GOZOSO DA TERRA (EII)

Emilio Xosé Ínsua

**NUNHA ENTREVISTA CON LINO BRAXE (O CORREO GALEGO, 16-X-1994), XAVIER SEOANE DECLARA: "EU PENSO QUE NA NATUREZA ESTÁ TODO, ESTÁ A NOSA ORIXE, O NOSO SER, E A TRAVÉS DELA PODEMOS ESCOITAR AS VOCES MÁIS PROFUNDAS QUE EMANAN DO NOSO ESPÍRITO. O HOME CONTEMPORÁNEO VIVE NUN DRAMA PERMANENTE POLA PERDA DESTE PARAÍSO". ASIMESMO, NO NÚMERO 8/9 DA REVISTA LUZES DE GALICIA (OUTONO-INVERNO 1987-88), O NOSO AUTOR AFIRMA: "NA GALIZA, PARA BEN OU PARA MAL, A TODOS NOS ASOMA VINTE, OU CORENTA, OU CEN ANOS ATRÁS, UN LABREGO OU O ORVALLO NA XENEALOXIA FAMILIAR, TONA ESPONXOSA, ESTERCO DÉITADO, FUME NOS CASAIS"**


**A**mbas declaracions son dunha claridade meridiana e axudan a entender ese recendo panteísta, esa fonda identificación e ese constante diálogo coa natureza que existe na poesía de Xavier Seoane.

Como se le no libro Eu tamén oñ..., publicado en 1994 polo noso autor, "Se pasar unha brisa, e orear,/ ese seria o sentido / de a vida deliciar-nos. / Se o paxaro dicir o seu trémulo canto, / eis, amigo, o poema / do home ao despertar".

Mais esa natureza ten nome próprio; Galiza, unha terra que está, en palabras de Seoane, "chea de emanacións, é unha terra moi forte". En Os bosques encendidos, libro escrito en parte durante unha estadia do seu autor en París, hai un poema que reflexiona sobre a imposibilidade de traducir axeitadamente a outros idiomas a sensación de pertenza a unha terra e a unha fala como a nosa:

"eu veño dun país de erbas sulagadas  
e carrizas que medran nos valados  
cómo, allea,  
enrañábel amiga,  
teimar de che explicar  
máis alá de grafías pronuncias e sintaxes  
a imaxe recatada  
que pechan país, erba, carriza ou sulagado?  
(...)"

Na paisaxe hai significados ocultos, transcedentes, que comunican ao individuo cunha historia e cunha comunidade anterga, como se deduce destes versos de Presencias:



"sei que este claro val que abrangue a miña  
ollada  
é a cova dos devanceiros dos meus pais  
e ese mar aí parado  
leva milleiros de anos enterrando cadáveres  
(...)"

O poema titulado "Abre os ollos" insiste nesta perspectiva:

"abre os ollos  
ante o descoñecido que canta  
libera as tuas mans  
sé raíz agarra  
deita-te ao sol  
recebe  
inmensamente o espazo  
coroa-te do amor do  
firmamento  
da paz leve da águia  
arde na arxila  
ama"

O motivo destes chamamentos non é outro que a confianza do poeta en que vai ser da natureza de onde o ser humano extraerá as maiores belezas, as plenitudes más fondas, as certezas: "nada máis supremo que as asas abertas / da pomba sobre o océano". A natureza é, como sinala pertinente o prologuista de Regreso e advenimiento, Francisco Salinas Portugal, o "repositório de sensazóns onde se alimenta o eu lírico, a obsesión de trascendencia":

"nunca ningúen me dará mais  
que o sol sobre as follaxes  
que a acerada ledicia  
na humedecida entraña  
da terra blanda (...)  
nunca ningúen  
me dará más  
que a águia celeste sulcando a imensidate  
que o delfín esvarando na águia ideal  
do oceano branco"

Non é de extrañar, pois, que o ser humano debeza en realidade esa fusión coa natureza da que vimos falando:

"o home sonoro soña cara adiante  
cunha fontenla noviña onde os paxaros  
rachen o silencio do espello cos seus biquíños brandos  
debece que as prumas arrastradas  
pola airexa dos máis vellos carballos  
rematen nun poirento silencio que non cala  
debece  
que os seixos á beira do camiño  
sexan palabras humanas  
arroxadas en troques de sorrisos abertos  
como olladas  
debece  
o encontro co mundo calado  
das raigañas e da árvore"

A muller amada, Fátima, representa mellor ca ningún esta comuñón, como proclaman estes versos de A caluga do paxaro:

"Fátima escuta a chuva nas mazairas  
cando o día abre cédo a sua roca chagada  
e as labercas extenden as suas asas  
no silencio gozoso da mañá  
Fátima sente a airexa na sua entraña  
cando a sua doce saia abanea de vagar  
e os peitiños reloucan cal paxaros  
escondidos no seio, amedrentados  
Fátima vai ao cruce e de alí baixa  
arrecendendo a nau cara o céspede maino  
das bosquexas lonxanas que invitan a zarpar  
Fátima escuta alí a queixume dos paxaros  
e sente que a sua gorxa se estremece cantando  
deitada sobre a arume, co peito a latexar.

O próprio poeta acada en ocasións ese estado de fusión coa natureza, case místico, perfeitamente descrito nestes versos de O canto da terra:

"cala-me a luz até o fondo do ser  
a chuva empapa-me as raízes por dentro  
inundo-me de gozo contemplando a maceira  
florescer  
sinto unha aura de grazia nas criaturas  
terrestres  
un acougo nas plantas  
unha irmandade nas bestas  
ser para perdurar para perder-se  
é o meu desexo  
oh dita inexpresábel de viver"

ou nestoutros, do mesmo poemario, onde vemos ao poeta apropiando-se dunha batería de sensacións que lle fornecen diferentes animais:

"(...) extendo os brazos abertos  
do navegante mascato  
ralentizo os meus pasos  
de sapoconcho impávido

amo a litúrxia cruenta  
da mántis namorada  
na paz do león selvaxe  
sinto a rauda gazela  
intimidar-se  
ardo no río de esperma da serpe namorada  
mergullo-me na raíz escintilante  
da estrela azul do mar  
adormezo no acougo  
inocente da mirada do año  
na comuñón da égua liberada  
ceibo o cantar  
extasio os meus ollos na luz celeste da águia"

Ás veces, porén, a grandiosidade de todo o natural, a sua capacidade ilimitada de rexenerar-se, de renascer, sobrepasa a condición mortal dos humanos:

"ah rafega da chuva nos salgueiros  
herbadais que a humidade de vagar amolece  
vento terrán que foxe como un peixe  
o corazón do home é demasiado vello  
pra aturar excesivas primaveras (...)"

Aquela confianza nas dádivas xenerosas da natureza da que falamos traduce-se na poesía de Seoane nunha sorte de rexeitamento de todo o artificial e todo o postizo que existe e chega a imperar na nosa existencia, como proclaman os seguintes versos de A caluga do paxaro:

"(...) eu,  
incurábel,  
solitário,  
pulidor de palabras,  
soñador,  
mal negociante,  
non teño outro rei  
que a vaga que avanza  
como unha extensa man sobor da praia  
non teño outro deus  
que o sol  
e esas migallas de felicidade  
que o abreto e o serán me dan de balde (...)

Os ámbitos urbanos representan, neste senso, en contraste coa natureza




Ilustración de Antón Patiño, do Poemario "Eu tamén oír as vozes do orvallo"

XAVIER  
SEOANE

A  
caluga  
do  
paxaro



aberta, lugares onde domina a soiade, a incomodidade e a tristura, como din estes versos de Presencias:

"(...) cando penso na cidade  
penso nas mil imaxes dos viaxeiros sentados  
en incómodas prazas de autobús  
escalinatas con rúas de xente atarefada  
e un abano de follas outonais  
arremuiñadas nas calzadas  
ao paso dos errantes solitarios (...)"

Os paxaros pequenos e certas árbores actuan con frecuencia na poesia de Seoane como elementos carregados de positividade. Asi acontece, por exemplo, en *Os bosques encendidos*: o estorniño aprende-lle ao ser humano a cantar sen remorso, mesmo sabendo que é mortal; na nogueira adiviña o noso poeta "o pulo gozoso do que non / arrasta sobre si nen pensamento escuro nen anceio"; o significado do amor procura-o "no piñeiro encendido que alumea / nos paxaros pequenos". En *O canto da terra* chega-se a afirmacións como esta: "na mais cativa folla / arde o universo". En *Eu tamén oín...* fan-se cantos de afirmación como estes: "Si, sol! / Si, horizonte! / Si, penedos! / Si, rocio! / Si, erva!" e chamadas ou invocacións como a seguinte: "Aqui, rula! / Aqui, árvores! / Aqui, palabra! (...)".


Finalizaremos esta pequenaache-  
ga á poesia de Xavier Seoane con  
exemplos da sua poesia desiderativa,  
aqueila na que o poeta expresa  
desexos carregados de optimismo  
para as persoas, a vida, o mundo.  
No seu poemario *Regreso e adveni-  
mento* lemos:

"que o sol perenemente ilumine  
a ancha sede da terra  
que cada dia se erga para fecu."

e dar luz e semente  
ás úbedas colleitas  
na sagrada inocéncia da terra  
no milagre que o zénite sostén  
viver é o don mais leve  
a dádiva más fonda do estremec

mentres que en A caluga...

"que a vida enteira sexa  
como unha mínima papoula  
medrada silenciosa como unha  
que a benzoen  
a gramínea breve e a pomba m  
nunha mañá afrautada como ui  
que a alimenten os gozosos gor  
que a canten os homes".



O "Brindis derradeiro" de Os bosques encendidos proclama, finalmente, nun ton ledizoso e optimista:

"que as vosas vidas sexan  
un bosque, e priguizosamente  
sexan un bosque sempre, sempre, sempre  
que o voso corazón decote ondee  
nun abrente vizoso  
presidido por tódolos praceres  
que sempre, sempre, sempre  
a ledice e o amor vos arrodeen  
con loureiros e pombas a gorxa e maila testa".



Ilustración de Anón Patiño, do Poemario "Eu tamén oín as vozes do orvallo"

Leliadoura  
poesía

O CANTO XAVIER  
DA TERRA SEOANE

Limiar de  
XOSÉ LUIS AXEITOS



edicións  
setelo blanco